

البؤجة

كبر الواد وحلم حياته
يشوف البؤجة وايه جواها
في دولاب امه بؤجه كبيره
مربوطه بشده !!
يامه قوليلي ايه جواها ؟
كانت الجملة إللي علي لسانها
لما حايجي معادها حاقولك
اصبر يابني !
قال الواد جوا ف نفسه
جايز شيء من ريحة ابويا!
او ميكنش عاينه شواري لما اتجوز ؟
جايز !
كبر الواد واتجوز
والبؤجه زي ماهي في قلب مكانها
تعب الواد م التفكير فيها

نساها

لحد مايوم تليفون جاله

يابني تعالي انا عايزاك !

ساب الدنيا وجري علي امه

قالت يابني هات البؤجه !

حلم حياته في لحظه اتحقق!

جاب البؤجه كانت الدنيا ماهيش سيعاه

اخيرا يامه حتوريني ايه جواها

قالت له افتحهافتحها

ايه دا يا امي ؟؟؟؟؟!

غرق كل مافيه بدمعه

وقفل البؤجة وبص لامه

بلوم وعتاب !

.....كانت الام

عند خالقها ؟.....وكانت البؤجه

.....هي كفنها ——— !!!